

"মিষ্টি বাচ্চারা , খারাপ সঙ্গের প্রভাব অনেক ক্ষতির কারণ হয়ে দাঁড়ায় , সেইজন্য সর্বদা তোমাদের সতর্ক থাকতে হবে কোন ধরনের সঙ্গ তোমরা রাখবে ! ভুল সঙ্গের প্রভাব খুব খারাপ "

প্রশ্ন: তিন প্রকারের শৈশব কি ? কোন শৈশব কখনও ভোলা উচিত নয় ?

উত্তর: শৈশবের একটা হলো যখন তোমরা লৌকিক মা -বাবার কাছে জন্ম নাও , দ্বিতীয় শৈশব - যখন তোমরা গুরু শিষ্য গ্রহণ করো আর তৃতীয় শৈশব - লৌকিক মা-বাবাকে ছেড়ে অলৌকিক মা-বাবার হও । অলৌকিক শৈশব অর্থাৎ ঈশ্বরের অ্যাডপ্টেড চাইল্ড । ঈশ্বরের সন্তান হওয়া অর্থাৎ মরে গিয়ে বেঁচে থাকা । এই অলৌকিক শৈশব কখনও ভুলোনা । যদি ভুলে যাও তবে অনেক কাঁদতে হবে । কাল্লা অর্থাৎ মায়ার দ্বারা আঘাতপ্রাপ্ত হতে হবে ।

গীত: শৈশবের দিন বিস্মৃত হয়োনা . . .

ওম্ শান্তি । তোমরা মিষ্টি মিষ্টি রুহানী বাচ্চারা এই গানের অর্থ বুঝতে পেরেছ । শৈশব তিন প্রকার। এক লৌকিক শৈশব , দ্বিতীয় শৈশব নিবৃত্তি মার্গ ; যখন তারা তাদের ঘর পরিবার ছেড়ে মরে গিয়েও বেঁচে থেকে গুরু বা সন্ত্যাসীর হয়ে যায় , জঙ্গলে চলে যায় । তৃতীয় হলো তোমাদের বিস্ময়কর জন্ম , মরজীবা জন্ম । এক মা-বাবাকে ছেড়ে আরেক মা-বাবার হও । সেই এক হলেন তোমাদের রুহানী মা-বাবা । তোমাদের এটা মরজীবা জন্ম । ঈশ্বরীয় কোলে রুহানী জন্ম । তোমাদের সাথে এখন রুহানী বাবা কথা বলছেন । যেখানে অন্য সকলে লৌকিক বাবা , সেখানে রুহানী বাবা কেবলমাত্র এক । সেই কারণে গাওয়া হয়ে থাকে মরজীবা হয়ে বাবার হওয়ার পর এই শৈশবের কথা ভুলে যেওনা । শিববাবা হলেন ভগবান , উচ্চ থেকেও উচ্চতম । মানুষ যখন গীতা নিয়ে বিতর্ক করে , সর্বাগ্রে তাদের জিজ্ঞেস করতে হয় উচ্চ থেকেও উচ্চতম ভগবান কে ? তারা বলে , "ব্রহ্মা দেবতা নমঃ , বিষ্ণু দেবতা নমঃ" এবং তারপরে বলে "শিব পরমাত্মায় নমঃ ।" তিনি সর্বধর্মের পিতা । সর্বপ্রথমে এই কথা বোঝাতে হবে - সেই উচ্চ থেকেও উচ্চতম বাবা এক । ব্রহ্মা , বিষ্ণুকে কেউ গড ফাদার বলবেনা । সবার আগে এই বিশ্বাস উত্পাদন করাও যে , গড ফাদার এক , তিনি নিরাকার , যাঁকে রচয়িতাও বলা হয়ে থাকে । পতিত -পাবনও বলা হয় । তোমরা নিশ্চতভাবে বাবার থেকে তোমাদের উত্তরাধিকার লাভ করবে । তোমরা খেয়াল করো আর কে বেহদের বাবার থেকে উত্তরাধিকার লাভ করে ! বাবা নতুন দুনিয়ার রচয়িতা ; তাঁর নাম শিব । তারা বলে "শিব পরমাত্মায় নমঃ" এবং তারা তাঁর জন্মদিনও পালন করে । একমাত্র তিনিই পতিত-পাবন , রচয়িতা , জ্ঞানসম্পন্ন , সেইজন্য সর্বব্যাপী হওয়ার কোনও কিছু আর থাকেনা । তাঁর ভূমিকা পালনের মহিমা হয় । তিনি অতীতে যা কিছু করেছেন তারই মহিমা গাওয়া হয়ে থাকে । বাবা উচ্চ থেকেও উচ্চতম । তাঁকে রচয়িতাও বলা হয় , দয়াময় , দুঃখহর্তা -সুখকর্তা এবং পথ প্রদর্শকও বলা হয় । তোমরা নতুন কোনও জায়গায় গেলে তোমরা সাথে একজন গাইড নাও । বিদেশী পর্যটকেরা এখানে এলে তাদের সবকিছু দেখিয়ে দেওয়ার জন্য এখানকার গাইড দেওয়া হয় । তীর্থযাত্রীদের তীর্থযাত্রায় নিয়ে যাওয়ার জন্য পান্ডা থাকে । বাবাকে পথ প্রদর্শক বলা হয় , তবে তো নিশ্চয়ই তিনি সকলকে পথ নির্দেশ দিয়েছেন কিন্তু সর্বব্যাপী উল্লেখ করায় তা অর্থহীন হয়ে যায় । সর্বাগ্রে বোঝাতে হবে সকলের বাবা এক । সর্বশাস্ত্রমণি হলো গীতা ; সাক্ষাত্ ভগবান রচিত , একথা যদি প্রমাণ করে দাও তবে গীতার

সন্তান সম অন্য শাস্ত্রগুলো মিথ্যে হয়ে যাবে । শিব ভগবানুবাচ । শিব বাবার ঐশ্বরিক কর্ম -কর্তব্য কি ? তিনি সহজভাবে বলেন , আমি এই শরীরের (ব্রহ্মাবাবার) আধার নিয়েই তোমাদের পতিত থেকে পবিত্র হওয়ার উপায় বলে দিই । আমি আসি তোমাদের রাজযোগ শেখাতে , তাই এক্ষেত্রে ঐশ্বরীয় কার্য কলাপের কি প্রয়োজন ? ইনি বৃদ্ধ এবং অভিজ্ঞ । আমি এসে শুধু তোমাদের বাচ্চাদের পড়াই । পতিতকে পবিত্র করে গড়ে তুলতে রাজযোগ শেখাই । তোমরা সত্যযুগে গিয়ে রাজস্ব করবে । তোমাদের স্বত্বাধিকার লাভ করবে আর বাকি আত্মারা মুক্তিধাম , নিরাকার দুনিয়ায় থাকবে । এই সবকিছু সহজেই বোধগম্য । ভারতে দেবী-দেবতাদের রাজ্য ছিল । একটাই ধর্ম ছিল । এখন কলিযুগে কত কত মানুষ ! ওখান অনেক কম থাকে । পরমপিতা পরমাত্মা এক ধর্মের স্থাপনা করেন এবং অসংখ্য ধর্মের বিনাশ করাতে আসেন । বাকি সকলে শান্তিধামে চলে যাবে । ওখানে অপবিত্র আত্মা থাকতে পারেনা । ওঁনার নামই পতিত-পাবন , সবার সদগতিদাতা । এটা হলো পুরনো দুনিয়া , লৌহ যুগ । সত্যযুগকে বলা হয়ে থাকে স্বর্ণযুগ । যারা দেবতাদের পূজারী তারা খুব সহজেই সবকিছু বুঝতে পারবে । যাঁরা পূজ্য তাঁরাই পূজারী হয় । সেইজন্য সবার আগে বাবার পরিচয় দিতে হবে । তাদেরকে বলো - তোমরা তাঁর সন্তান একথা ভুলোনা । যদি তা ভুলে যাও তাহলে তোমাদের কাঁদতে হবে এবং কোনও না কোনওভাবে মায়ার দ্বারা আঘাতপ্রাপ্ত হতে হবে । দেহী-অভিমানী হতে হবে ! আমাদের আত্মাদের বাবার কাছে ঘরে ফিরে যেতে হবে । এত অগণিত মানুষের মৃত্যু হবে , কে কার জন্য কাঁদবে ? ভারতের মানুষ সবচেয়ে বেশী কাঁদে । যখন কারও মৃত্যু হয় প্রথম বারো মাস হা হসেন , হা হসেন করে ; এমনকি বুক চাপডাতে থাকে । এই হলো মৃত্যুলোকের রীতিনীতি । তোমাদের এখন অমরলোকের নিয়ম নীতি , রেওয়াজ শেখানো হচ্ছে । তোমাদের এখন পুরনো দুনিয়ার প্রতি বৈরাগ্য । বাবা বলেন , অনবরত আমাকে স্মরণ করো ! এই সবকিছুই বিনাশ হয়ে যাবে । বিশ্ব নাটকের এই রঙ্গমঞ্চে সকলে অভিনেতা তবে কার জন্য এই মোহ ? তোমরা বুঝতে পারো , প্রত্যেককে যেতে হবে এবং অন্য আরেক ভূমিকা পালন করতে হবে । কান্নার কি প্রয়োজন ? প্রত্যেকের পাট স্থিরীকৃত । বাবা যেমন জ্ঞানের সাগর , আনন্দের সাগর এবং ভালবাসার সাগর , তাঁকে অনুসরণ করে তেমনই তৈরী হতে হবে । সাগর থেকে নদীর উত্থান । সব নম্বরভিত্তিক । কেউ কেউ খুব ভালো করে জ্ঞান বর্ষণ করতে পারে এবং অন্য অনেককে নিজেদের সমান তৈরী করে । তারা অন্ধের যর্ষি হয়ে দাঁড়ায় । বাবার অনেক সাহায্যকারী প্রয়োজন । বাবা বলেন , তোমরা অন্ধের যর্ষি হও এবং অন্যকে রাস্তা দেখাও । এটা শুধুমাত্র যে টিচারই অন্ধের লাঠি হবে তা নয় ; তোমাদেরও সেইরকম হতে হবে । তোমরা প্রত্যেকে জ্ঞানের তৃতীয় নয়ন পেয়েছ , একেই বলা হয়ে থাকে জ্ঞানের তৃতীয় নয়ন প্রাপ্তির কথা । তৃতীয় নয়ন আত্মার জন্য । মানুষ তো কিছুই বুঝতে পারেনা ; সম্পূর্ণ রূপে তাদের বুদ্ধি তুচ্ছ । ভারতবাসী জানেনা তাদের ধর্ম কে স্থাপনা করেছেন ! বাবার জন্ম এই ভূমিতে । মানুষ শিব জয়ন্তী উত্সব পালন করে । তাহলে , তিনি কিভাবে সর্বব্যাপী হবেন ? দুনিয়ার কেউ বাবাকে আর রচনাকে জানেনা । ঋষি -মুনিরা নেতি নেতি বলতে থাকে । ভগবান সর্বব্যাপী এই কথা বলে তারা একটা বড় ভুল করে । তোমরা প্রমাণ করে দেখাও তিনি সকলের বাবা , পতিত-পাবন , মুক্তিদাতা । তিনি তোমাদের পুরনো দুনিয়া থেকে নতুন দুনিয়ায় নিয়ে যান । সেখানে দুঃখের কোনও প্রশ্নই নেই । একটু খেয়াল করো শাস্ত্রে তারা কি লিখেছে ! এমনকি তারা লক্ষ্মী-নারায়ণের সম্বন্ধেও বলে - বিকার বিনা কিভাবে তাঁদের সন্তান আসতে পারে ? ওহ ! বলাই তো হয়ে থাকে সর্ব গুণসম্পন্ন , ১৬ কলা সম্পূর্ণ , সম্পূর্ণ নির্বিকারী , সম্পূর্ণ পবিত্র দুনিয়া । সেখানে পাপহীন দুনিয়া আর এখানে কলুষিত দুনিয়া , তবে কিভাবে বলা যেতে পারে সেই দুনিয়ায় বিকার থাকবে ! প্রথমাবস্থায় , তোমরা যতক্ষণ না বাবাকে জেনেছ , কোনও কিছুই বুঝতে পারনি । সর্বব্যাপী

বলা তাদের মস্ত বড় ভুল। সেই ভুল থেকে তখনই বেরিয়ে আসতে পেরেছে যখন বাবাকে জেনেছে। তাদের এই বিশ্বাস রাখা উচিত - বাবা আমরা আবার তোমার হয়েছি, তোমার থেকে রাজ্যভাগ্য নিতে। দেখো শাস্ত্রে তারা কি লিখেছে! তারা লক্ষ্মী-নারায়ণকে সত্যযুগে আর রাধা-কৃষ্ণরূপে তাঁদের শৈশব দেখিয়েছে তাম্রযুগে। যেমনই হোক, কৃষ্ণ ছিল স্বর্গের রাজকুমার। জন্মে জন্মে কৃষ্ণের অবয়ব পরিবর্তিত হতে থাকে। কখনও কেউ একরকম চেহারা নিয়ে জন্মাতে পারেনা। এটা কখনও হয়না যে, কৃষ্ণ একই চেহারা নিয়ে দ্বাপরে আসতে পারে, সেটা অসম্ভব। তোমরা জানো যে আসলে তোমরা সেখানের (মূলবতনের) অধিবাসী ছিলে। তা' তোমাদের সুইট সাইলেন্স হোম যার জন্য মানুষ ভক্তি করে। তারা বলে, আমরা শান্তি চাই। আত্মারা কর্মেন্দ্রিয় লাভ করেছে তাদের নিজ নিজ পার্ট প্লে করার জন্য। সুতরাং, কিভাবে তাদের শান্তি বিদ্যমান থাকতে পারে? তারা শান্তির জন্য হঠযোগ শেখে এবং শান্তির জন্য গুহায় গিয়ে থাকে। একমাস ধরে যদি কেউ গুহায় বসে থাকে, তার মানে কি এই হয় যে সেটা শান্তিধাম! তোমরা জানো যে, আমরা এখন শান্তিধামে যাব এবং তারপরে সুখধামে গিয়ে আমাদের ভূমিকা পালন করব। মানুষ বলে, যারা সুখী তাদের জন্য স্বর্গ আর যারা দুঃখী তাদের জন্য নরক। তোমরা জেনেছ স্বর্গ নতুন দুনিয়া আর নরক পুরনো দুনিয়া। ভগবানুবাচঃ এই ভক্তি, যজ্ঞ-তপ, দান-পুণ্য ইত্যাদি করা সব ভক্তিমার্গের, এর কোনও অর্থ হয়না। সত্যযুগ এবং ত্রেতাকে বলা হয়ে থাকে ব্রহ্মার দিন। ব্রহ্মার দিন, তোমাদের ব্রাহ্মণদের দিন, তারপরে শুরু হয় তোমাদের রাত। তোমরা সর্বপ্রথমে স্বর্ণযুগে যাও তারপর তোমরা সৃষ্টিচক্রে আসা ব্রাহ্মণ, দেবতা, ঋগ্বেদ, বৈশ্য, শূদ্র তোমরাই হও। তোমরা বলো শিব ভগবানুবাচ, তারা বলে কৃষ্ণ ভগবানুবাচ। বিশাল ফারাক হয়ে যায়। ইনি সম্পূর্ণ ৮৪ জন্ম নেন। তাঁর সাথে সমগ্র সূর্যবংশী সম্প্রদায় পুনর্জন্ম নিতে নিতে এখন আবার অন্তিমে এসে রাজ্যভাগ্য নিচ্ছে। তোমরা বাচ্চারা যারা বুঝতে পারছ তাদেরই আনন্দ হয়। নতুনদের এই আনন্দ আসেনা। তোমরা কারও নিন্দা করোনা, বাবা তোমাদের কত সহজে বুঝিয়ে দিচ্ছেন। এখানে তোমরা বাবার সঙ্গে বসে আছ এবং সেইজন্য তোমরা ভালোভাবে বুঝতে পারছ। বাইরের সঙ্গতে গেলে তোমাদের কি দশা হবে কেউ বলতে পারেনা। সঙ্গদোষ খুব খারাপ। স্বর্গে এরকম কোনও কথাই হয়না। তার নামই হলো স্বর্গ, বৈকুণ্ঠ, সুখধাম। তারা শাস্ত্রে লিখেছে সেখানে অসুরেরাও বিদ্যমান ছিল। তোমরা এখন জেনেছ, তোমরা বিশ্বের মালিক ছিলে এবং সেখানে আকাশে জমিতে কোনও ভাগাভাগি ছিলনা। এখন অনেক ভাগ; তারা লাগাতার নিজের নিজের সীমারেখা টানতে থাকে। দুনিয়ায় লড়াই ঝগড়া লেগেই থাকে। সেইজন্য যখন কেউ আসে সর্বাগ্রে তাকে বোঝাও বাবা কে, ভগবান কাকে বলা হয়ে থাকে! ব্রহ্মা, বিষ্ণু, শংকর হলেন দেবতা। ভগবান এক এবং অদ্বিতীয়, দশ নয়। কৃষ্ণ ভগবান হতে পারেননা। ভগবান কিভাবে হিংসা শেখাতে পারেন! ভগবানুবাচঃ কাম হলো মহাশত্রু। তাই কাম জয় করার প্রতিজ্ঞা করো। এই কারণে রাখী বাঁধো। এইসব এখনকার কথা। অতীতে ভক্তিমার্গে যা কিছু হয়েছিল তার পুনরাবৃত্তি ঘটবে। মানুষ দীপাবলীতে মহালক্ষ্মীর পূজা করে; একজনও জানেনা লক্ষ্মী-নারায়ণ একত্রিত। কোথা থেকে লক্ষ্মী ধন লাভ করেন? উপার্জন যারা করে তারা পুরুষ তথাপি লক্ষ্মীর নামে স্মরণ করা হয়। প্রথমে লক্ষ্মীকে স্মরণ করা হয় পরে নারায়ণকে। তারা আবার মহালক্ষ্মীকে আলাদা কোনও একজন মনে করে এবং তাঁকে চতুর্ভুজা দেখানো হয়, দুই হাত পুরুষের আর দুই হাত স্ত্রীলোকের। যেমনই হোক তারা এই বিষয়ে কিছু জানেনা। এখন তোমরা সবিস্তারে জেনেছ। তোমরা গান শুনেছঃ শৈশবের দিন ভুলে যেওনা। আত্মা বলে, বাবা আমার স্মৃতি এখন ফিরে এসেছে। ভোরবেলায় উঠে বাবার সাথে কথা বলো। অমৃতবেলায় উঠে বাবাকে স্মরণ করা ভালো। সন্ধ্যাকালে একান্তে বসো। যদি যুগলে একসাথে থাকো তবুও এই অভ্যাস অনুসরণ

করো । ব্রহ্মাতনের মাধ্যমে বাবা কি বলেন ? আমরা যখন পূজ্য হই তখন কখনও বাবাকে স্মরণ করিনা । যখন পূজারী হই তখন বাবাকে স্মরণ করি । এইভাবে তোমরা নিজেদের মধ্যে কথা বলে যাতে অন্য কেউ শুনলে বিস্ময়ে অভিভূত হয়ে যায়। অর্ধকল্প যাবত আমরা কামচিটার ওপর বসে জ্বলেপুড়ে ভস্ম হয়েছি , কবরস্থ হয়েছি । এখন জ্ঞান চিটার ওপর আমাদের বসতে হবে এবং স্বর্গে যেতে হবে । এটা হলো পুরনো দুনিয়া । ভারতবাসী ভাবে যে এইই স্বর্গ ! ওহ্ ! কিন্তু স্বর্গ তো সত্যযুগে । স্বর্গে দেবী-দেবতাদের রাজত্ব । এখানে মায়ার মিথ্যা আড়ম্বর । বাবা এখন বলছেনঃ সঙ্গদোষের দ্বারা প্রভাবিত হয়ে মৃত্যুকে বরণ কোরোনা । তা' নাহলে অনেক অনুশোচনা করতে হবে । পরীক্ষার ফল বেরোলে তখন সবাই বুঝতে পারবে । আগে বাচ্চারা ধ্যানে সবকিছু শুনাতো কে রাণী হবে কে দাসী হবে । বাবা পরে বন্ধ করিয়ে দিয়েছেন । সবশেষে জানা যাবে আমরা বাবার কত সেবা করেছি ! কতজনকে নিজের সমান তৈরী করেছি । তোমাদের সবকিছু স্মরণে আসবে এবং সাক্ষাত্কার হবে । সাক্ষাত্কার বিনা, ধর্মরাজ তোমাদের শাস্তি দিতে পারবেননা । তোমাদের বাচ্চাদের বারবার বোঝানো হচ্ছে - অনবরত আমাকে স্মরণ করো । বাবা আসেন আর মিষ্টি-মিষ্টি ঝাড়ের চারা বপন করেন । গভার্মেন্ট গাছের চারা লাগায় এবং তার উত্সব পালন হয়। এখানে নতুন দুনিয়ার চারা লাগানো হচ্ছে । সেইজন্য এমন বাবাকে ভুলোনা । নিজেকে বাবার সেবায় নিয়োজিত করো নতুবা অন্তিম সময়ে আফসোস করতে হবে । যদি এখন উত্তরাধিকার না নিতে পারো , তবে কল্প-কল্পান্তরে হিসেব হবে , এইজন্য পুরোপুরি পুরুষার্থ করতে হবে । আচ্ছা -

মিষ্টি-মিষ্টি হারানিধি /সিকিলধে বাচ্চাদের প্রতি মাতা-পিতা বাপ দাদার স্মরণ-স্নেহ আর সুপ্রভাত ।  
রুহানী বাবা রুহানী বাচ্চাদের নমস্কার জানাচ্ছেন ।

ধারণার জন্য মুখ্য সারঃ-

১) বাবা যেমন জ্ঞানের , আনন্দের , ভালবাসার সাগর তেমনই বাবাসমান হতে হবে এবং নিজসমান বানানোর সেবা করতে হবে । সকলকে জ্ঞানের তৃতীয় নয়ন দিতে হবে ।

২) এমন কোনও সঙ্গ রেখোনা যাতে পরে অনুশোচনা করতে হয় । সঙ্গদোষ খুব খারাপ এইজন্য নিজেকে সামলে নিয়ে চলতে হবে । বাবার থেকে উত্তরাধিকার নেওয়ার পুরো পুরুষার্থ করতে হবে ।

বরদানঃ- কর্ম করতে করতে কর্মবন্ধন থেকে মুক্ত থাকা সহজযোগী স্বতঃ যোগী ভব

যারা মহাবীর বাচ্চা তাদের সাকারি দুনিয়ার কোনও কিছু নিজের দিকে আকর্ষিত করতে পারেনা । তারা এক সেকেন্ডে পার্থিব সবকিছু থেকে নিজেদের পৃথক করে নিতে পারে এবং বাবার প্রিয় হয়ে উঠতে পারে । যারা অশরীরী , আত্ম-অভিমानी , বন্ধনমুক্ত , যোগযুক্ত স্থিতির অনুভব করতে পারে তারা সহজেই নির্দেশ গ্রহণ করতে সমর্থ হয় এবং স্বতঃ যোগী , কর্মযোগী , শ্রেষ্ঠ যোগী হয় । তারা যখন চায় , যত সময় চায় নিজের সংকল্প , শ্বাস এক প্রাণেশ্বর বাবার স্মরণে স্থিত করতে পারে ।

স্লোগানঃ- একরস স্থিতির শ্রেষ্ঠ আসনে বিরাজমান থাকা , তপস্বী আত্মার নিশান ।